



Broj: 02-11-2779/20-AP-2
Datum: 2.10.2020. godine

Na osnovu člana 39. Statuta Općine Zavidovići ("Sl. glasnik Općine Zavidovići", broj 5/08 i 5a/08), Javnog poziva za prikupljanje prijava za poticanje jesenje sjetve u Federaciji Bosne i Hercegovine za 2020 godinu, Općinski načelnik Zavidovići objavljuje

JAVNI POZIV ZA PODNOŠENJE PRIJAVA ZA POTICANJE JESENJE SJETVE U 2020 GODINI

Federalno Ministarstvo poljoprivrede, vodoprivrede i šumarstva objavilo je Javni poziv za prikupljanje prijava za poticanje jesenje sjetve u F BiH za 2020 godinu po kome bi Općina Zavidovići sačinila preliminarnu listu poljoprivrednika koji će zasijati pšenicu, raž i ječam u jesen 2020 godine.

Na osnovu istog javnog poziva pozivaju se poljoprivredni proizvođači sa područja općine Zavidovići da prijave jesenju sjetvu, popune prijavni obrazac i prilože fiskalne račune i porezne fakture sa otpremnicama za kupljeno sjeme ozimih žitarica, (pšenica, raž, ječam), kao i za kupljena mineralna đubriva i zaštitna sredstva u obimu potrebnom za realizaciju sjetve za kupljena sjemena ozimih žitarica.

Poticanje jesenje sjetve vršiće se subvencioniranjem sredstava plaćenih za kupljeni repromaterijal i to minimalno za repromaterijal potreban za jedan dulum površine a maksimalno do 1 000, 00 KM subvenije po jednom poljoprivrednom proizvođaču.

Pravo učešća imaju svi poljoprivredni proizvođači koji su upisani kao nosioci poljoprivrednog gazdinstva u Registru poljoprivrednih gazdinstava i Registru klijenata u Općini Zavidovići.

Svi poljoprivredni proizvođači koji ispunjavaju navedene uslove, kako bi izvršili prijavu jesenje sjetve, dužni su popuniti prijavni obrazac koji mogu preuzeti na info pultu u Općini Zavidovići.

Prijave se predaju na protokol u Općini Zavidovići do 12.10.2020. godine.

Za sve nejasnoće možete se obratiti kod višeg stručnog saradnika za poljoprivredu Ibro Hadžića, na telefon broj: 032-206 733, ili u kancelariju broj 316 u Općini Zavidovići.

OPĆINSKI NAČELNIK

Dr.sci. Hašim Mujanović

Dostavljeno:

1. Oglasna ploča,
2. Web stranica,
3. U spis.

Obradio: _____
Ibro Hadžić

Kontrolisao: _____
Izet Bašić